



**ATASSUT**

**UKA15/45**

**Páninguak M. Kruse**

**22.10.2015**

**Qaratsap aanaartoorneratigut timip ilaanik nukillaartoornermik nappaatillit siunnerfilimik aaqqissuussaalluartunik aammalu ataqatigiissarneqartunik sungiusaanissani ingerlatsinissani iliuusissatut pilersaaruteqarnissat pillugit Naalakkersuisut kingusinnerpaamik UPA 2016-imi Inatsisartunut aalajangiiffigisassatut siunnersuusioqquneqarnissaannik siunnersuut.**

**(Inatsisartunut ilaasortaq Agathe Fontain, Inuit Ataqtigiit)**

Siunnersuut matumani Inatsisartunut ilaasortaq Agathe Fontain-imit saqqummiunneqartoq ima ATASSUT-mit oqaaseqarfigissavarput.

ATASSUT-mit siunnersuuteqartoq paasilluarsinnaavarput aammalu ATASSUT-mit ilisimaarilluinnarpavut nunatsinni sineriak tamakkerlugu qanoq qaratsamigut eqqugaasimasut peqqissarnissaminnut sungiusarnissaminnullu periarfissamikku atugassarititamikkullu qanoq assigiinnngitsigisinnaasunik periarfissaqarneri. Allaat sumiiffiit ilaanni immaqqa periarfissaqarani, ajoraluartumillu inuunerminni atugassarititamikkut periarfissatuaalertarluni angerlarsimaffimmi ikiorteqarnissaq.

Taamaattumik ATASSUT-mit isumaqarpugut pisarialerujuusoq erseqqissumik paasissallugit taamatut qaratsamigut aanaartoornerit kingunerisaanik siungiusartarnissamik pisariaqartitsinerit qanoq annertutiginerisa paasiniarnissaat.

Taamaattumik ATASSUT-mit iluarisimaarparput Naalakkersuisut siunnersuummut atatillugu akissuteqarnerminni erseqqissarmagu suliat aallartinneqareersimaneri aammalu suli piffissami aggersumi iliuuserineqartussani siunnersuummut attuumassuteqartut annertunerusumik misilittagaqarfigineqalernissai pissammata, ilaatigut Sisimiuni innarluutilinnut illuliornermit misilittagarilerumaakkat ataatsimut pilersaarusiornissamut ilanngunneqarumaartut.

Tassunga ilanngullugu ATASSUT-mit periarfissaq manna atorlugu kaammattuutigissavarput Naalakkersuisut Kommune-llu akornanni, innuttaasut peqqissutsimikkut sanngiiffeqalersimasut allaallu innarluuteqalersimasut pillugit atugarisaat ataqatigiissagaalluarnerusumik ingerlalernissaat tamatigut sulissutigisassagaat.



Taamaattumik ATASSUT-mit matumani innersuussutigissavarput suliat ingerlalereersut tunngavingalugit siunnersuutip matumap itigartissutigineqarnissaa.